



Broj: 02-04-3-2033/24  
Goražde, 11.07.2024.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22) u postupku javne nabavke – otvoreni postupak za dostavljanje ponuda za nabavku radova na sanaciji dijelova puteva u Grad Goražde, Gradonačelnik Grada Goražda donosi:

## O D L U K U

o izboru najpovoljnijeg ponuđača

### I

Prihvata se preporuka Komisije za provođenje postupka javne nabavke radova na sanaciji dijelova puteva u Gradu Goražde, te se ugovori o ustupanju radova na sanaciji dijelova puteva u Gradu Goražde po lot-ovima dodjeljuju kako slijedi:

- za lot 1 - Nabavka radova na sanaciji dijela puta u MZ Goražde III – ulica Ibra Čelika na dionici od mosta "Žrtava genocida u Srebrenici" do mosta "Alija Izetbegović" dodjeljuje se ponuđaču "Goraždeputevi" d.o.o. Goražde sa ponudnom cijenom od 255.096,45 KM bez PDV-a;
- za lot 2 - Nabavka radova na sanaciji dijela puta u MZ Goražde I – Iransko šetalište i ulica Rasima Živojevića na dionici od Trga Branilaca (Mosta Alije Izetbegović) do mosta u naselju Baćci dodjeljuje se ponuđaču "Goraždeputevi" d.o.o. Goražde sa ponudnom cijenom od 146.045,45 KM bez PDV-a;
- za lot 3 - Nabavka radova na sanaciji dijela puta u MZ Goražde III – ulica Zaima Imamovića, od raskrsnice na istoj, do i oko sportske dvorane "Mirsad Hurić", dodjeljuje se ponuđaču "Goraždeputevi" d.o.o. Goražde sa ponudnom cijenom od 268.791,37 KM bez PDV-a.

### II

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđaču koji je učestvovao u postupku javne nabavke.

### III

Nakon pravosnažnosti ove Odluke po isteku roka od 15 dana od datuma Obavještenja ponuđača, ugovorni organ će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama, dokaz iz člana 47. Zakona kao i važeću licencu o pravu na obavljanje djelatnosti koja je predmet nabavke.

Ukoliko odabrani ponuđač ne postupi u skladu sa gore navedenom obavezom ugovorni organ će ponuditi zaključenje ugovora drugorangiranom ponuđaču (ukoliko on postoji, a u slučaju da nema drugorangiranog ponuđača, poništava se postupak javne nabavke).

## O b r a z l o ž e n j e

Gradonačelnik Grada Goražda je dana 05.06.2024. godine donio Posebnu Odluku o pokretanju postupka javne nabavke radova na sanaciji dijela puteva u Gradu Goražde po lot-ovima:

Lot 1- Radovi na sanaciji dijela puta u MZ Goražde III – ulica Ibra Čelika na dionici od mosta „Žrtava genocida u Srebrenici“ do mosta „Alije Izetbegovića“;

Lot 2 - Radovi na sanaciji dijela puta u MZ Goražde I – Iransko šetalište i ulica Rasima Živojevića na dionici od Trga Branilaca (Mosta Alije Izetbegovića) do mosta u naselju Baćci,

Lot 3 – Radovi na sanaciji dijela puta u MZ Goražde III – ulica Zaima Imamovića, od raskrsnice na istoj do i oko sportske dvorane „Mirsad Hurić“.

Na osnovu navedene odluke objavljeno je Obavještenje o javnoj nabavci na portalu e-nabavke dana 10.06.2024. godine, sažetak obavještenja objavljen u „Službenom glasniku BIH“ broj 41/24. Tenderska dokumentacija za ovu nabavku je objavljena takođe na portalu e-nabavke i istu je preuzelo 5 (pet) zainteresiranih ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 04.07.2024. godine.

Komisija za provođenje procedure javne nabavke imenovana Rješenjem Gradonačelnika Grada Goražda broj 02-04-3-2033/24 od 06.06.2024. godine dostavila je izvještaj o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za nabavku radova na sanaciji dijela puteva u Gradu Goražde za sva tri lot-a ponudu dostavio ponuđač „Goraždeputevi“ d.o.o. Goražde;
- da dostavljena ponuda ispunjava uslove postavljene tenderom u pogledu formalno pravne ispravnosti, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske sposobnosti ponuđača kao i tehničke i profesionalne sposobnosti ponuđača,
- da u skladu sa članom 3. tačka (3) Pravilnika o uslovima i načinu korištenja e-aukcije, e-aukcija nije zakazana jer je u ostavljenom roku za dostavljanje ponuda, dostavljena samo jedna prihvatljiva ponuda,
- da je ponuda ponuđača „Goraždeputevi“ d.o.o. Goražde ocjenjena kao prihvatljiva i najpovoljnija za ugovorni organ.

Komisija za provođenje postupka javne nabavke radova na sanaciji dijela puteva na području Grada Goražde predložila je Gradonačelniku Grada Goražde donošenje Odluke o prihvatanju ponude ponuđača „Goraždeputevi“ d.o.o. Goražde čija cijena ponude bez uračunatog PDV-a:

- za lot 1 iznosi 255.096,45 KM
- za lot 2 iznosi 146.045,45 KM
- za lot 3 iznosi 268.791,37 KM, budući da je ponuda navedenog ponuđača na osnovu rezultata pregleda i ocjene ponuda za sva 3 lot-a, ocjenjena kao najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđaču
2. web stranica ugovornog organa
3. u spis,
4. a/a

